

## **Siunnersuummut nassuaatit**

### **Nalinginnaasumik nassuaatit**

#### **1. Aallaqqaasiut:**

Ukiuni kingullerni, minnerunngitsumik ukiakkut ataatsimiinnerup ingerlanerani, piffissakilliuler-tarneq annertusiartuinnavissimavoq. Tamatuma ataatsimiitaliani suliniarneq ajornarnerulersippaa, taamatullu aamma inatsisiliornermi kukkussuteqartoqartarsinnaanera qaninnerulersillugu.

Ataatsimiitaliat isumaliutissiissusiortarnerannut pitsaanerusumik periarfissaqartitsinissaq siunertaralugu Siulittaasoqarfiup kissaatigaa ukiakkut ataatsimiittarnerit sapaatip akunneranik ataatsimik sivitsorneqassasut. Tamanna ajornarunnarsinniarlugu siunnersuutigineqarpoq Inatsisartut ukiuat – taamalu aamma ukiakkut ataatsimiittarnerit – septembarimi tallimanngornerit aappaanni aallarttalissasut, tassa malittarisassanut atuuttunut sanilliullugu sapaatip akunneranik ataatsimik siusinerusumik.

Taamatuttaaq isumaliutissiissutinik ilassutitullu isumaliutissiissutinik oqaaseqarluni saqqummiussi-sinnaanero atorunnaarsinneqarnissaa siunnersuutigineqarpoq. Tamatumunnga pissutaasut eqqarsaatigalugit § 1, nr. 1-imut nassuaatit innersuussutigineqarput.

#### **2. Namminersorlutik Oqartussanut aningaasaatigut allaffissornikkullu kingunerisassai:**

Siunnersuutikkut siunertarineqarpoq ukiakkut ataatsimiittarnerit sapaatip akunneranik ataatsimik sivitsorneqarnissaat, taamaalillunilu Inatsisartunut ilaasortat najugaqarnerannut ullormusiaannullu aningaasartuuteqarnerulernermik malitseqassalluni, soorlu aamma ataatsimiinnerup ingerlanneqarnerannut aningaasartuutaasartut, oqalutseqarnikkut ikiorserneqarnermut allatigullu nal. akunnermusi-aqarluni ikiorteqarnermut aningaasartuutit ilanngullugit, qaffassasut. Aningaasaasartuutit tamarmiusut kr. 200.000-it iluaniissinnaanissaat nalilerneqarpoq. Siunnersuutikkulli naatsorsuutigineqarpoq peqatigitillugu ataatsimiinnerit eqaannaruseumik ingerlanneqarsinnaalissasut, taamaalillunilu aamma ataatsimiinnerut atatillugu allaffissornikkut suliassanik killilimmik oqilsaasoqarsinnaassalluni.

Siunnersuutip malitsigisaanik Inatsisartut ukiakkut ataatsimiittarneri siunissami septembarimi tallimanngornerit aappaanni aallarttalissapput. Immikkoortut ukiakkut ataatsimiinnermi oqaluuseritikkusutat maannamutut suleriaatsimi § 40 malillugu ataatsimiinnerup aallartinnissa sapaatit akunnerinik tallimanik sioqqullugu suli tunniunneqartartussaapput. Ukiakkut ataatsimiittarnerup siuar-tinneqarnerata taamaalilluni aamma malitsigissavaa siunnersuutinik ukiakkut ataatsimiinnermi oqaluuseritikkusutanik tunniussereersimaffissap aamma siuartinneqarnera.

**3. Inuussutissarsiornermut aningaasatigut allaffissornikkullu kingunerisassai:**

Siunnersuut inuussutissarsiornermut kinguneqassanngilaq.

**4. Avatangiisinut pinngortitamullu kingunerisassai:**

Siunnersuut avatangiisinut pinngortitamullu kinguneqassanngilaq.

**5. Innuttaasunut allaffissornikkut kingunerisassai:**

Siunnersuut innuttaasunut kinguneqassanngilaq.

**6. Kingunerisassai allat pingaarutillit:**

Siunnersuut allanik taaneqarsinnaasunik kinguneqassanngilaq.

**7. Naalagaaffeqatigiinnermut Namminersorlutik Oqartussanullu pissutsit:**

Siunnersuut Naalagaaffeqatigiinnerup Namminersorlunilu Oqartussaanerup akornanni pissutsinut kinguneqarnavianngilaq.

**8. Oqartussanik suliniaqatigiiffinnillu tusarniaaneq:**

Siunnersuut Naalakkersuisut siulittaasuata Naalakkersuisoqarfianut tusarniaatigineqarsimavoq. Tusarniaanermi akissut ilanngussatut ilanngunneqarpoq. Siunnersuutip atuutilerfissaanik naalakkersuisoqarfiup uparuaanera siunnersuummi isiginiarneqarsimavoq, taamaalillunilu siunnersuut aatsaat 2013-imi upernaakkut ataatsimiinneq sioqqullugu atuutilissalluni.

Siunnersuut kikkunnut tamanut tusarniaatigineqarsimanngilaq, innuttaasunut inuussutissarsiornermulluunniit kinguneqartussaanngimmat.

**Siunnersuummi aalajangersakkanut ataasiakkaanut nassuiaatit*****§ 1-imut***

Nr. 1.-imut

Suleriaatsimi § 17, imm. 4-p ullumikkutut oqaasertalerneqarsimaneratigut, taava Inatsisartut Siulittaasoqarfiata akuerisinhaavaa isumaliutissiissutip ilassutitulluunniit isumaliutissiissutip ataatsimiittarfimmi oqaaseqarluni saqqummiunneqarsinnaanissa.

Siunnersuutikkut tunngavissap taassuma peerneqarnissaa siunnersuutigineqarpoq, taamatut oqaaseqarluni saqqummiussinissamut periarfissaarullugu.

Siusinnerusukkut suleriaasisimaup 1999-imeersup akuersissutigineqarneratigut ataatsimiittarfimmi allassimareersunik atuaaginnartarnerup killilerneqarnissaanut annertuumik alloriartoqarpoq, taamaalu aamma uummaarinneerusumik oqallitoqarsinnaalerneranut periarfissaqarnerulerluni. Suleriaatsip maanna atuuttup akuersissutigineqarneratigut oqallinnerup suli uummaarinneerusumik ingerlasinnaalernissaanut alloriaqqitoqarpoq.

Suleriaatsikkulli 1999-imeersukkut ataatsimiittarfimmi allanneqareersimasunik atuaaginnarluni saqqummiussisarneq mattutivinneqanngillaq. Ilaatigut suleriaatsimi § 17, imm. 4-mi aalajangersarneqarpoq isumaliutissiissutit (taamaqataaniillu aamma ilassutitut isumaliutissiissutit) allaganngorlugit saqqummiunneqartassasut, siulittaasoqarfiulli akuersineratigut oqaluinnarluni saqqummiunneqarsinnaallutik. Aalajangersagaq taanna suleriaatsimi atuuttumi ingerlatiinnarneqarsimavoq.

Siulittaasoqarfiup akuersineratigut oqaluinnarluni saqqummiussisinnaaneq ullumikkut killilimmik atorneqartarpooq: taamaattorli qaqtigut isumaliutissiissutit ilassutitulluunniit isumaliutissiissutit tamarmiusut atuarneqarnerinut, annertunerusumilli isumaliutissiissuni amerlanerussuteqarluni ikinnerussuteqarluniluunniit oqaaseqaatit atuarneqartarnerinut. Aalajangersakkap ilanngunneqarnerani aalajangersakkap taamatut atorneqarnissaa siunertaralineqarsimaganngikkaluarpoq.

Ilaatigut tamanna tunngavigalugu taamatullu aamma oqallinnerit sivisussusigisartagaasa killilerneqarnissaat ataatsimiittarfimmilu oqallinnerit uummaarinneulersinniarlugit suliniutit aalajangi-usimanissaat siunertaralugu isumaliutissiissutinik ilassutitullu isumaliutiissiissutinik (taakkuluunniit ilaannaannik) oqaluinnarluni saqqummiussisinnaanerup atorunnaarsivinnissaa Inatsisartut Siulittaasoqarfiata kissaatigaa.

Allannguutissatut siunnersuutigineqartukkut partiit ataasiakkaat mattunneqannngillat suleriaatsimi qanoq sivisutigisumik oqaaseqarsinnaanermut aalajangersakkat iluanni partiip nalinginnaasumik oqaaseqarneranut atatillugu amerlanerussuteqarluni ikinnerussuteqarluniluunniit oqaaseqaatit oqaaseqarnermi ilanngunneqartarnissaannut.

Nr. 2.-mut

Ukiuni kingullerni, minnerunngitsumik ukiakkut ataatsimiinnerup ingerlanerani, piffissakilliuler-tarneq annertusiartuinnavissimavoq. Tamatuma ataatsimiitaliani suliniarneq ajornarnerulersippaa, taamatullu aamma inatsisiliornermi kukkussuteqartoqartarsinnaanera qaninnerulersillugu.

Tamanna tunngavigalugu Inatsisartut Siulittaasoqarfiat isumaqarsimavoq ukiakkut ataatsimiittarne-rit sapaatip akunneranik ataatsimik sivitsorneqartariaqartut.

Taamaaliornikkut oqaluuserisassat ataasiakkaat oqaluuserisassanngortinneqarsimasut suliarinis-saannut piffissaqarnerulissaq, sukumiinerusumik suliarinnittoqarsinnaalissalluni taamatullu aamma ataatsimiinnerit Inatsisartunut ilaasortanut allaffeqarfinnullu ulapaarfiunnginnerulerluttillu oqinneru-lissallutik. Taamaalilluni tamatumani aamma naatsorsuutigineqarpoq siunnersuutit nalinginnaasu-mik oqaluuserisassanngortinneqartartut amerlassusiisa malunnartumik allannguiteqannginnissaat.

Namminersornerullutik Oqartussat missingersuutaat pillugit inatsimmi (Inatsisartut inatsisaat nr. 8 ulloq 29. oktober 1999-imeersoq, inatsisartut inaatsisaatigut nr. 1 ulloq 23. maj 2000-meersukkut allanngortinneqartoq) § 10-mi aalajangersarneqarpoq aningaasanut inatsisit ukiumi ukiup aningaa-sanut inatsiseqarfiusup siuliani ulloq 15. novemberiutinnagu akuersissutigineqarsimassasoq. Tamanna naapertorlugu Inatsisartut Naalakkersuisullu pillugit inatsisartut inatsisaanni (Inatsisartut inatsisaat nr. 26 ulloq 18. november 2010-meersoq) aalajangersarneqarsimavoq Naalakkersuisut aningaasanut inatsisisssatut siunnersummik saqqummiussaqartassasut taassuma ukiumi aningaa-sanut inatsiseqarfiusussap siuliani kingusinnerpaamik ulloq 15. november inaarutaasumik akuersis-tigineqarnissaa siunertaralugu.

Tamatuma malitsigisaanik nalinginnaasumik ukiakkut ataatsimiinnerit novembarip ulluisa 15-iat ilanngullugu sivisussuseqaqqajuttarput. Ulloq taanna qaangerlugu sivitsuisoqassagaluarpat ataatsi-miititaliat isumaliutissiissuteqartarnerannut killiliussat pitsaanerulersinneqarnavianggillat, taamaat-toqassappalluunniit annikitsuinnarmik. Aningasaqarnermut ataatsimiitaliap aningaasanut inatsi-sissamut siunnersummumt atatillugu isumaliutissiissuteqartarnera eqqarsaatigalugu aningaasanut inatsisip kingusinnerpaamik ulloq 15. november akuerineqareersimasussaanera tamatumunnga toq-qaannartumik pissutaavoq. Isumaliutissiissutaasartut allat eqqarsaatigalugit toqqaannanngikkalu-artumik tamatumunnga pissutaavoq siunnersuutit suugaluartulluunniit ukiunut aggersunut aningaa-sanut inatsimmut sunniuteqartussat – soorlu siunnersuutit amerlanerpaartaat taamaattut - kingusin-nerpaamik aningaasanut inatsit peqatigalugu akuersissutigineqareertariaqarmata.

Taamaattumik pissusissamisornerpaatut isigineqarpoq ukiakkut ataatsimiittarnerit sivitsorneqar-nissaannik anguniagaq ataatsimiittarnerup siusinnerusukkut aallartinneqartalerneratigut pippat, ki-ningusinnerusukkut naammassisalernermut taarsiullugu.

Naalakkersuisut Siulittaasuata Naalakkersuisoqarfiaita tusarniarneqarnermini akissuteqarnermini oqaatigaa ukiakkut ataatsimiittarnerit aallartinneqartarnerata siuartinneqarnera upernaakkut ataatsi-

miittarnerit ukiakkullu ataatsimiittarnerit akornanni piffissamik sivikinnerulersitsissasoq, tamatumalu kingunerissagaa immikkoortut oqaluuseritikkusutat maannakkornit annertunerusumik siunnersuutinik tunniussivissaq qaangiutereersoq aatsaat oqaluuserisassatut nalunaarutigineqartalernerat.

Naalakkersuisut Siulittaasuata Naalakkersuisoqarfia minnerunngitsumik tamanna eqqarsarnartoqartippaa inatsisissatut siunnersuutit, taakkununnga inatsisilerinikkut nalilersuinissamut piumasaqaatit tusarniaanissanullu piffissaritinneqartut ilanngullugit, eqqarsaatigalugit.

Tamatumunnga tunngavilersuutigineqarpoq upernaakkut ukiakkullu ataatsimiinnerit akornanni pif fissap sivikippallaarnera. Siulittaasoqarfia pissutissaqartinngilaa tunngavilersuutip tamatuma isiginarnissaa, tassami upernaakkut ataatsimiinnerit aallartittarneri februaarimiit aprilimut nikerarsinnaasarmata.

Taamaalilluni siunnersuutikkut naalakkersuisoqarfia pissutissaqartinngilaa tunngavilersuutip tamatuma isiginiarneqanngilaq. 2012-imu Inatsisartut ukiakkut ataatsimiinnissaat eqqarsaatigalugu allanguutit atuutilerfissaasa 1. januar 2013-imut kinguartinneqarnissaat siunnersuutigineqarpoq, taamaalillunilu Naalakkersuisut naapertuuttumik piffissalerneqassallutik malittarisassat atuuttut naapertorlugit ukioq manna inatsisiliassatut eqqarsaatigisaminnik saqqummiussinissaminnut.

Tamatuma saniatigut nalinerneqarpoq allannguutit atuutilernissaasa 2013-imu januaarip aallaqqataanut kinguartinneqarnissaanik siunnersuutigineqarneratigut Naalakkersuisut pilersaarusrornerminni pisariaqartitsineq naapertorlugu inatsisiliornissanik pilersaarutiminnik siuartitsisinnaassasut.

Inatsisartut Naalakkersuisullu pillugit inatsisartut inatsisaanni atuuttumi (Inatsisartut inatsisaat nr. 26 ulloq 18. november 2010-meersoq) § 10, imm. 2 naapertorlugu aalajangersarneqarpoq Inatsisartut ileqquusumik ataatsimiinnerminni tullianik ileqquusumik ataatsimiinnissap qaqugu pinissaa aalajangertassagaat. Aalajangersagaq Inatsisartut Naalakkersuisullu pillugit inatsisartut inatsisaannit nr. 11-mit 20. oktober 1988-imeersumit ingerlateqqinnejarsimavoq.

Taamaattorli maannamut ileqquusimavoq ukiakkut ataatsimiinnerup inatsisartut ukiuata aallartinerani aallartinneqartarnera, tamannalu aamma inatsisartut ukiuat pillugu suliaatsimi atuuttumi § 38, imm. 1-imut aalajangersakkamut nassuiaatini naatsorsuutigineqarsimavoq.

Suleriaatsimi § 38, imm. 1 naapertorlugu inatsisartut ukiuat septembarimi tallimanngornerit pingajuanni aallartittarpoq. Ukiakkut ataatsimiinnerup sapaatip akunneranik ataatsimik sivitsorneqarsinnaaqquullugu siunnersuutigineqarpoq inatsisartut ukiuata siunissami septembarimi tallimanngornerit aappaanni aallartittalernissaa.

*§ 2-mut*

Inatsisip ulloq 1. juli 2013 atuutilernissaa siunnersuutigineqarpoq. 2012-imí ukiakkut ataatsimiin-neq taamaalilluni septembarimi tallimanngornerit pingajuanni aallartissaaq, tamaattumillu siunner-suutikkut ukioq manna eqqarsaatigalugu Naalakkersuisut pilersaarutigereersimasaannik nikisitsisanani. Taamaalilluni siunnersuutikkut Naalakkersuisut siulittaasuata Naalakkersuisoqarfiata uparu-aatai tamakkiisuunngikkaluartumik isiginiarneqarsimapput.